

Ի Ա .

Ելնես դու քո ի տանեն զինչ ելնէ արենս ի մօրեն:
 Ծագէ լոյս ի քո ծոցեդ զինչ գարնան կայծակն ի ամպեն.
 Շատ երեց, շատ արեղայ իջուցեր քո սերդ ի բեմեն.
 Չիս այլ սիրու տեր արեր, վըտարեր իմ հօրն ի տանեն:

Ի Բ .

Ասես թէ կտրած ես դու ի ճերմակ որթոյդ խաղողէն.
 Վանց ըզքո մահպուպ սուրաթդ ի վարդին սուլթան տերեւէն.
 Ես ըզքեզ սիրել կամիմ, թող ճօշան զիս երկիրն ամեն.
 'Ի ի ծոցըդ մտնուլ կամիմ, թէ հազար թուրք ես 'լ անօրեն:

Ի Գ .

Աչերդ է ծովէն առած ու ուներդ ի թուխ ի ամպեն:
 Այդ քո պատկերքդ եւ սուրաթդ ի վարդին կարմիր տերեւէն:
 Ուր որ դու կանգնած լինիս, չէ պահեհ վառեն մոմեղէն:
 Ծոցուդ լոյսըն դուրս ծագէ, քեմ ելնէ մեռելն ի հողէն:

ՉՈՐՐՈՐԴ ՏԱՂԱՇԱՐԸ

Ա .

Իմ եարս 'լ ես մէկտեղ եկաք, բռնեցաք մեք զԱստուած վըկայ.
 Մեծ դավլ ու երդում արաք՝ Գօթենա՛յ յ ով սերն ուրանայ:
 Խօ՛յ եար, թ'ուրանաս դուն զիս, ստեղծօղէն գաւալ քեզի գայ.
 Չերայ սիրու տեր արիր, այս խալխին լեզուն ի վըրայ:

Բ .

Յա՛յ իմ ճերմակ ծոց բազայ, ճերմակ ծոց ու ծինն ի վըրայ.
 Քո բունդ է անտառ մորին 'լ արթըլին ահիկն ի վըրայ.
 Երթամ քաջ արծիւ լինամ, գամ կըռուիմ մինչ որ լուսանայ.
 Թ' ապրիմ նա անուն հանեմ, թէ մեռնիմ՝ հաշուեմ թէ չեղայ:

Գ .

Ահա կու գընամ, հոգե՛կ, լուկ ուրախ կացիր ու խնդա՛,
 Նա դու բարձր անցի՛ր 'լ ասա՛ թէ բարով ես խալըսեցայ.
 Թուխ ամպ եմ դեմ քո աչիչդ. պահ մի որ այս ամպս վերանայ,
 Այնժամ ես քեզ պիտեսնամ՝ մինչեւ գայ խելքունքդ ի վերայ: